

1 YOANE

Pepa Yoane ñgere muṅga panzi kalo-tawana tamâta

Yesu Kirisi ne pâri-tamâta Yoane ñgere pâri ara marumbu lâ, ñineṅga muli ñgere ṅgua ñine panzi kalo-tawana tamâta ṅgu pinde. I nde koṅa lâ, aku i ilo ndo keno panzi kalo-tawana tamâta ṅinde, kala ipatu ṅanzi tu i natu wukale. Tamâta pinde silaṅenzi ṅgu siporo tu Yesu ipâṅga tamâta mao tia, aku siporo tu nenda kiesaka nde kelekele ṅalae tia. Yoane ileleanzi laṅeṅa tamâta ṅinde, ku itula ṅgua pwataki ṅana tini-mwasa ne vetâṅa kâ. Iporo tu Maro Kindeni ilo ndo keno pa kinda, kala isupwa Yesu imâ, aku Yesu ilo keno mine nâ kala imâte ṅana kinda kâ. Mine nde ara ṅana kinda taitu-taitu ma tininda mwasa panzi tamâta rârâni.

ṅgua Via ipâṅga nia yo

¹ Maka uru katula ṅgua pwataki ṅana ṅgua Via kâ, i ṅa toṅge tu Yesu. Lâ zo ṅinde Maro Kindeni ipulia samba wa tâno tia yo, ande ṅgua ṅinde imo muṅgani lâ, kala ñine i imo mine nâ. Maka kaloṅo i ku matama kamora i lâ. Maka kalea sondo nâ pa i, aku kataro i tini lâ. ² Via ṅinde nde ipâṅga nia yo lâ. Maka kamora i, aku uru katula ṅgua pwataki ṅana ṅinde kâ. Kala ñine maka kaporo pwataki pa miki tu ṅgua Via ṅinde imo via mine ku imo nâ. Muṅgani i imo kuku Tama, ñineṅga ipâṅga nia yo, aku maka kamora lâ. ³ Maka kamora wa kaloṅo ṅinde marumbu lâ, ande kala maka uru katula

ngua pwataki pami nana ninde kâ. Maka kaveta mine nana duvi nîne kâ; maka iloma tu miki ma kamo ilomi taitu kuku maka. Aku kinda tao ilonda ilâ taitu kunzi Tama kuku Natu Yesu Kirisi rua. ⁴ Maka kanjere ngua lâ pepa nîne tini imâ pami nana ma iveta nenda ndekâna ipipi ndo lâ ilonda kalonda.

Ara nana kinda ma toka sinâla ilo nâ

⁵ Yesu Kirisi itula ngua pwataki pa maka kalonjo lâ, ande kala maka katula nguani ndaina pwataki pa miki. Ngua ninde nde mine: Maro Kindeni i nde sinâla, aku kondoma tonje ikeno pa i, ande tia ndo kananjo. ⁶ Ambo kinda ma taporo tu, “Nana ao ilonjo ilâ taitu kuku Maro Kindeni”, andeta nenda yokâna ikeno lâ kondoma ilo, ande nenda ngua ninde nde mao tia. Ngua ninde nde lanjeña nâ, nana tu kinda ndandai taponon muli pa vetâna mao nga. ⁷ Taitu miki kalonjo nga; ambo kinda toka lâ sinâla ilo, itogo Maro Kindeni uru imo sinâla ilo mine, ande kinda tamo ilonda taitu kunzi Maro Kindeni ne tamâta. Aku Maro Kindeni Natu Yesu see izavaru nenda kiesaka rârâni piti lâ tininda, aku iveta kinda tamo tava ilonda mbâra-mbâra nâ.

⁸ Ambo kinda ma taporo tu, “Nanenge kiesaka tonje ikeno tia”, ande kinda taporo lanjeña pa warakânda, aku ngua mao ikeno ilonda kalonda tia ndo. ⁹ Andeta miki kalonjo nga; ambo kinda ma tapatula nenda kiesaka pa Maro Kindeni, ande i ma iveta ikura ne ngua pâna mine. I ma iveta kie ara ndo pa kinda mine; i ma izavaru kiesaka piti lâ tininda, aku ma izavarunzi vetâna soki-soki ndia rârâni uru taveta ninde piti tona. Aku i ne vetâna

ņinde ma iveta kinda tamo tava ilonda mbâra-mbâra ndo. ¹⁰ Ambo kinda ma taporo tu, “Naņa muņga aveta kiesaka tonje tia”, ande ņinde itogo kinda taporo ņgua tu Maro Kindeni nde laņeņa tamwata. Ambo mine, ande Maro Kindeni kawa ņgua ikeno ilonda kalonda, ande tia.

2

Yesu Kirisi nde kinda nenda Pavilâņa Tamwata

¹ Naņa aņgere ņgua ņine imâ pa miki, naņa natuņgu wukale, ņana isukami tu kapu mulimi pa kiesaka rârâni. Andeta miki kalonjo ņga; ambo tamâta tonje iveta kiesaka, ande nenda Pavilâņa Tamwata imo kuku Tamânda, aku i uru ino papa i ņana kinda kê. Inani Yesu Kirisi, i zuzuli tamwata.

² I tamwata ipile ne via ku imâte ņana izavaru nenda kiesaka piti kê. Andeta i ņandai iveta mine ņana ivila kinda simbonda nâ. Iveta mine ņana ivilanzi tamâta rârâni simo tâno ndoni.

Ambo tamâta tonje isama Maro Kindeni kilala, ande i ma ipaveta kuku Maro Kindeni kawa ņgua

³ Ambo kinda ma tapaveta kuku Maro Kindeni ne tukuņa, ande vetâņa ņinde ma itula pwataki pa warakânda tu kinda tasama i kilala sondo ndo.

⁴ Ambo tamâta tonje ma iporo tu, “Naņa asama Maro Kindeni kilala sondo ndo”, andeta i ņandai ipaveta kuku Maro Kindeni ne tukuņa ņga, ande tamâta ņinde nde laņeņa tamwata, aku ņgua mao ikeno i ilo kalo, ande tia. ⁵ Ambo tamâta tonje ipaveta kuku Maro Kindeni kawa ņgua, ande i ne vetâņa ņinde itula pwataki tu i ilo ndo ikeno mao nâ pa Maro Kindeni. Mâsi taituni ņinde uru itula

pwataki tu kinda tapaipa kuku Maro Kindeni lâ.
⁶ Ambo tamâta tonje ma iporo tu, “Naņa apaipa kuku Maro Kindeni lâ”, ande i ne ŋgua ŋinde ma ipâņa kanaņo mine; i ma iveta vetâņa ara, itogo Yesu muņa iveta mine.

⁷ Niņgu-nambwe wukale, naņa ma aņgere ŋgua tukuņa wasaseki tonje imâ pami, ande tia. Njine nde tukuņa siņa, aku miki kakai muņgani lâ. Miki kalonjo ŋgua ŋana tukuņa njine kâ marumbu lâ.
⁸ Andeta tukuņa kala njine naņa ma aņgere pami, ande tukuņa wasaseki tona. Miki nemi vetâņa ara tava Yesu ne vetâņa ara, ande njinde itula tukuņa njinde kilala pwataki tu njinde nde ŋgua mao. Njana tu kondoma ŋga laiti ŋana marumbu kâ, aku sinâla mao njinde nde imâ ipâņa lâ, kala imo isinala nia lâ.

⁹ Ambo tamâta tonje ma iporo tu, “Naņa amo lâ sinâla ilo”, andeta i uru wisi nâna pa ninambwe kalo-tawana tamâta tonje, ande i imo lâ kondoma ilo yo. ¹⁰ Tamâta ea uru tini mwasa nâ panzi n-nambwe kalo-tawana tamâta, ande i imo lâ sinâla ilo, aku kelekele tonje ŋana iveta i pata ndue kâ, ande tia. ¹¹ Aņa tamâta ea uru wisi nâna pa ninambwe kalo-tawana tamâta, ande i imo kondoma ilo ku iyoka lâ kondoma ilo. Aku izizâla tu i ilâ pa nia ndia, ŋana tu kondoma nde ipono i mata ndo lâ.

¹² Naņa natuņgu wukale, miki kalomi tawana Yesu Kirisi, aku ŋana duvi njinde kâ Maro Kindeni izavaru nemi kiesaka piti lâ. Mine kala naņa aņgere ŋgua njine imâ pami.

¹³ Aņa miki tamâta kokonja, miki kasama i kilala sondo ndo, inani imo muņgani lâ, kala njine imo

mine nâ. Mine kala naŋa aŋgere ŋgua ŋine imâ pami.

Aŋga miki tamâta limoa, miki kapole Sadana lâ. Mine kala naŋa aŋgere ŋgua ŋine imâ pami. Naŋa natuŋgu wukale, miki kasama Tamânda Maro Kindeni kilala sondo ndo. Mine kala naŋa aŋgere ŋgua ŋine imâ pami.

¹⁴ Miki tamâta kokoŋa, miki kasama i kilala sondo ndo, inani imo muŋgani lâ, kala ŋine imo mine nâ. Mine kala naŋa aŋgere ŋgua ŋine imâ pami. Aku miki tamâta limoa, miki tinimi walo, aku Maro Kindeni kawa ŋgua ikeno kaika lâ ilomi kalomi. Aku miki kapole Sadana lâ. Mine kala naŋa aŋgere ŋgua ŋine imâ pami.

Kinda ma ilonda pa tâno ne kelekele ndimo

¹⁵ Miki ma ilomi pa tâno ne vetâŋa ndimo, aku ilomi pa kelekele tonje ikeno tâno kulu, mine ndimo. Ambo tamâta tonje ilo keno pa tâno ne vetâŋa, ande i ilo keno pa kinda Tamânda, ande tia. ¹⁶ Kinda tasama tu tâno ne vetâŋa rârâni nde vetâŋa ŋana iveta wisinda kâki wa ilonda yosi wa tapasuka tininda wa. Vetâŋa ŋinde rârâni ŋandai iyoka pa Tamânda imâ pa kinda ŋga. ŋinde nde tâno ne vetâŋa nâ. ¹⁷ Tâno ŋine ma muli marumbu, aku tâno ne vetâŋa wa kelekele mona-mona ŋine rârâni ma marumbu tona. Aŋga tamâta ea ipaveta kuku Maro Kindeni kawa ŋgua, ande i ma imo via ku imo nâ.

Yesu Kirisi ne kazâŋa tamâta nde imâ ipâŋga lâ

¹⁸ Naŋa natuŋgu wukale, zo ŋana tâno ne zo marumbu kâ nde imâ ipâŋga laiti lâ. Muŋga, miki kalonjo pâri tu Yesu Kirisi ne kazâŋa tamâta

sakamao ma muli imâ ipângga. Kala ñine Yesu Kirisi ne kazâña tamâta rârâ ñinde nde simâ sipângga lâ. Mine kala kinda tasama tu zo ñana tâno ne zo marumbu kê nde imâ ipângga laiti lâ. ¹⁹ Nia ndoyo, kazâña tamâta ñinde simo kuku kinda kalo-tawana tamâta, andeta ñineñga sipile kinda ku silâ lâ. Taitu kinzi muñga simo ninda-nambwe mao, ande tia. Ambo kinzi simo ninda-nambwe mao, ande kinzi ma simo kuku kinda yo. Andeta sipile kinda, aku silâ lâ. Mine kala kinda tasama tu tamâta ñinde rârâni ñandai simo ninda-nambwe mao ñga.

²⁰ Anğa nenda Maro Ñalae, ina Sapâña Tamwata, muñgani isupwa Koroani Sapâña imâ pami, ñana itula pwataki tu ipatea miki ñana kakai i ne walo ñalae. Mine kala miki rârâni kasama ñgua mao marumbu lâ. ²¹ Tiambo miki kazizâla ñana ñgua mao kê, aku ñana duvi ñinde kê naña anğere ñgua ñine imâ pami, a? Mine tia. Miki kasama ñgua mao marumbu lâ, aku kasama tu ñgua mao ikura ñana ipagugua ñgua lañeña tonđe tia ndo. Mine kala naña anğere ñgua ñine imâ pami. ²² Ayo, lañeña tamwata nde ea. Ambo tamâta tonđe ma iporo tu, “Yesu ñandai Maro Kindeni ne Pateâña Tamâta Kirisi ñga”, ande tamâta ñinde nde lañeña tamwata. Tamâta ea iporo ñgua kaña mine, ande i ipu muli panzi Tama ku Natu rua. Mine kala i imo Yesu Kirisi ne kazâña tamâta. ²³ Tamâta ea ipu muli pa Yesu Kirisi, ande ipu muli pa i Tama tona mine nâ. Anğa tamâta ea ipatula tu i kalo tawana Maro Kindeni Natu, ande i kalo tawana Maro Kindeni tona mine nâ.

Koroani Sapâña uru ipanana kinda ñana ñgua

mao kê

²⁴ Ara ñana miki ma kasaña ñgua muñga kalonjo ñinde kaika. Ambo miki ma kasaña ñgua ñinde kaika ndindi nâ, ande miki kala ma kapaipa kunzi Tama kuku Natu rua. ²⁵ Muñgani Yesu Kirisi ipa ñgua tu ma via mao ilua kinda, ñana ma tamo viânda mine ku tamo nâ.

²⁶ Naña angere ñgua ñine imâ pami, aku atu apananami ñananzi lañeña tamwatanzi, kinzi ñinde situ sikai lañeña pami ñana ma kapile nemi kalo tawana kê. ²⁷ Andeta Yesu muñgani itu nzâmbe pami kala isupwa Koroani Sapâña imâ pami lâ, aku Koroani Sapâña tamwata ipaipa kumi. Mine kala tamâta tonje ne wurâta ikeno ñana ipanana miki kê, ande tia. Koroani Sapâña tamwata uru ipananami ñana vetâña rârâni kê, aku i ne ñgua ñinde nde mao kanaño. Ñinde nde ñgua lañeña tia ndo. Mine nde ara ñana miki ma kapaipa kuku Yesu Kirisi, ikura Koroani Sapâña muñga ipananami mine.

Mine nde kinda tamo Maro Kindeni natu wukale

²⁸ Ayo, naña natunngu wukale, ara ñana miki ma kapaipa sondu kuku Yesu Kirisi. Ambo miki ma kaveta mine, ñineña lâ i ne zo ñana imâ ipânge nia yo, ande kinda ma taruru tia. Kinda ma tamandi i nao, aku ma mainda tia. ²⁹ Miki kasama tu Yesu Kirisi nde Zuzuli Tamwata. Mine kala miki kasama mine nâ tu tamâta ea kinzi uru siveta vetâña ara, ande kinzi ñinde simo Maro Kindeni natu wukale.

3

¹ Mao nâ, kinda Tamânda tini mwasa ndo pa kinda, aku i ilo ndo keno pa kinda! Mine kala i io ŋoa lâ tininda tu, “Maro Kindeni natu wukale”. Anġa kinzi tâno tamâta ŋandai sisama Maro Kindeni kilala ŋga. Mine kala kinzi sisama kinda kilalânda tia. ² Niŋgu-nambwe wukale, kala ŋine kinda tamo Maro Kindeni natu wukale. Anġa lâ zo muli, ande kinda ma tamo mâsi mana. Njinde kilalani ŋandai ipâŋga nia yo ŋga. Taitu kinda tasama tu lâ Yesu Kirisi ne zo ŋana imâ ipâŋga lâ nia yo, ande kinda ma tamora i kilala mao kanaġo, aku i ma ilele kinda tapâŋga tatogo i tamwata mine. ³ Tamâta ea kinzi uru sio tininzi ŋana i kê, kinzi njinde sipaveta warakanzi sondo ndo, ŋana ma simo ilonzi mbâra-mbâra lâ Maro Kindeni nao, itogo Yesu Kirisi imo mine.

⁴ Tamâta ea uru iveta kiesaka, ande tamâta njinde ilaŋa ipole Maro Kindeni ne tukuŋa. Mao nâ, kiesaka uru ikai kazâŋa pa ŋgua tukuŋa. ⁵ Andeta miki kasama tu Yesu Kirisi imâ ipâŋga ŋana izavaru kiesaka piti kê, aku kiesaka tonġe ikeno pa i tia ndo kanaġo. ⁶ Ambo tamâta tonġe ipaipa kuku Yesu Kirisi, ande i ma ipaveta kuku kiesaka ne vetâŋa tia ndo. Ambo tamâta tonġe ipaveta kuku kiesaka ne vetâŋa, ande kinda tasama tu tamâta njinde ŋandai imora Yesu Kirisi ku isama i kilala ŋga.

⁷ Naŋa natuŋgu wukale, miki kapakatona sondo ŋga. Tia ma tamâta tonġe ilaŋemi. Tamâta ea uru iveta vetâŋa ara, ande i imo tamâta sondo lâ Maro Kindeni nao, itogo Yesu Kirisi uru imo mine. ⁸ Muŋgani, lâ nia ndoyo, aku imâ lee ipâŋga lâ zo ŋine, ande Sadana iveta kiesaka ku imo nâ.

Mine kala tamâta ea uru iveta kiesaka, ande i imo Sadana natu. Taitu Maro Kindeni Natu muṅgani imâ ipânga nia yo ṅana izavaru Sadana ne wurâta kâ. ⁹ Ambo Maro Kindeni iveta tamâta tonje ipânga itogo i natu mine, ande tamâta ṅinde ma ipaveta kuku kiesaka ne vetâṅa tia ndo, ṅana tu Maro Kindeni kilala imo kuku i. Tamâta ṅinde ikura tu ipaveta kuku kiesaka ne vetâṅa tia ndo kanaṅo, ṅana tu i imo itogo Maro Kindeni natu mine. ¹⁰ Ayo, tamâta ea kinzi simo Maro Kindeni natu wukale, a? Anṅa tamâta ea kinzi simo Sadana natu wukale, a? ṅinde kinda takura tu tasama, ṅana tu tamâta ea tininzi pwâka tu sipaveta kuku vetâṅa ara, ande tamâta ṅinde simo Maro Kindeni natu wukale tia. Aku mine nâ, tamâta ea ṅandai tininzi mwasa panzi kalo-tawana tamâta, ande kinzi kala simo Maro Kindeni natu wukale, ande tia.

Yesu itula tini-mwasa ne mâsi kilala pwataki lâ

¹¹ Muṅgani, aku imâ lee ipânga lâ zo ṅine, ande miki uru kalonṅo ṅgua mine: kinda taitu-taitu ma tininda mwasa panzi tininda pinde. ¹² Miki ma kamo katogo timbunda Adam natu Kein, mine ndimo. Kein nde imo Sadana ne tamâta, aku ipu tai Abel pâta imâte. Aku i ne vetâṅa ṅinde nde duvi mine; i tamwata uru iveta vetâṅa sakamao, anṅa tai nde uru iveta vetâṅa ara.

¹³ Niṅgu-nambwe wukale, ambo kinzi tâno tamâta ma sikai kazâṅa pami, ande miki ma wisimi motu ṅana ṅinde kâ ndimo. ¹⁴ Kinda uru tao ilonda ndo ilâ panzi ninda-nambwe kalotawana tamâta. Aku vetâṅa ṅinde itula pwataki tu

kinda tapile mateŋa ne vetâŋa marumbu lâ, aku tapaveta kuku via nâ ne vetâŋa. Tamâta ea ŋandai ilo ndo keno panzi i tini pinde, ande tamâta ŋinde ipaveta kuku mateŋa ne vetâŋa yo. ¹⁵ Tamâta ea uru ikai kazâŋa pa ninambwe, aku wisi nâna ndo papa, ande tamâta ŋinde irerege kuku tamâta ŋana ipunzi tamâta pâta simâte kê. Aku miki kasama tu ambo tamâta tonje ipu i tini pinde pâta imâte, ande via mao ikeno pa i, ande tia. Tamâta mine ŋandai tamâta ŋana imo via ku imo nâ.

¹⁶ Yesu Kirisi ipile tamwata ne via ku imâte ŋana ivila kinda kê. Aku i ne vetâŋa ŋinde itula tini-mwasa ne mâsi kilala pwataki pa kinda. Aku ara ŋana kinda kala mine nâ ma tapile nenda via ŋana tavilanzi ninda-nambwe kalo-tawana tamâta kê. ¹⁷ Ambo tâno ŋine ne mbaliŋa ikeno pa tamâta tonje, aku imora ninambwe tonje imo sugorai ŋana kelekele pinde kê, andeta i kalo sukâŋa ŋana ninambwe ŋinde tia, ande ŋinde itula pwataki tu tamâta ŋinde ŋandai ipaveta kuku Maro Kindeni ne mâsi ŋana tini mwasa ndo panzi tamâta kê. ¹⁸ Naŋa natunġu wukale, ambo kinda kawânda nâ taporo tu kinda tininda mwasa panzi tininda pinde, ande ŋinde nde ara tia. Ara ŋana kinda ma tao ilonda ilâ mao nâ panzi, aku taveta kenda ara nâ panzi.

Kinzi kalo-tawana tamâta ma siruru lâ Maro Kindeni nao, ande tia

¹⁹⁻²⁰ Ambo kinda tininda mwasa ndo panzi tininda pinde, ande ŋinde itula pwataki tu kinda taponu muli sondu ndo pa ŋgua mao. Mine kala, ambo ilonda itu ikai kazâŋa pa warakânda ŋana vetâŋa tonje kinda muŋga taveta, ande kinda ma

kalonda loko tia. Kinda wisinda ma puu ndue lâ Maro Kindeni nao, nana tu i isama vetâna rârâni, aku i ne ilo-kalo ipole nenda ilo-kalo ndo lâ.

²¹ Ningu-nambwe wukale, ambo ilonda ikai kazâna pa warakânda tia, ande kinda tasama tu kinda ma taruru nana tamandi lâ Maro Kindeni nao, ande ma tia. ²² Nininga lâ zo ndia kinda tano pa i tu iveta vetâna tonje, ande i ma ipalono pa nenda nona, nana tu kinda uru tapaveta kuku i ne tukuja, aku tapaveta kuku vetâna rârâni i ilo papa njinde tona. ²³ Aku i ne tukuja nde ikeno mine: kinda ma kalonda tawana i natu Yesu Kirusi, aku kinda taitu-taitu ma tininda mwasa ndo panzi tininda pinde, ikura tukuja njinde i munga itula pa kinda mine. ²⁴ Tamâta ea uru ipono muli pa Maro Kindeni ne tukuja, ande tamâta njinde ipaipa kuku Maro Kindeni, aku Maro Kindeni kala ipaipa kuku i mine nâ. Maro Kindeni ne Koroani Sapâna ilua kinda lâ, aku Koroani Sapâna njinde uru itula pwataki pa kinda mine tu Maro Kindeni ipaipa kuku kinda.

4

Ara nana kinda ma takai samâna panzi koroani

¹ Ningu-nambwe wukale, ngua-tulâna tamâta lanja rârâ uru soka tâno kulu silâ wa simâ wa. Mine kala, ambo tamâta tonje imâ pami ku iporo tu, “Maro Kindeni ne Koroani uru itula ngua pa nana”, ande miki ma kalomi tawana i walele ndimo. Ara nana miki ma kakai samâna panzi koroani, nana ma kasama kilalanzi kâ. Nininga miki ma kasama tu koroani njinde uru imo kuku Maro Kindeni tâku tia tâku. ² Aku vetâna nana

itula Maro Kindeni ne Koroani kilala pwataki pami, ande mine: ambo koroani tonje itula ngua lâ tamâta tonje kawa tu, “Yesu Kirisi munja imo kuku Maro Kindeni, njineŋga ipânŋga tamâta mao”, ande njinde nde Maro Kindeni ne Koroani. ³ Ambo koroani tonje nandai itula ngua kaŋa mine nana Yesu kâ, ande njinde nde Maro Kindeni ne Koroani, ande tia. Njinde nde koroani tonje, aku koroani njinde nde koroani nana ikai kazâŋa ŋalae tina pa Yesu Kirisi kâ. Munja miki kaloŋo koroani njinde parina tu i ma muli imâ, kala njine imâ ipânŋga lâ, kala imo tâno kulu.

⁴ Naŋa natunju wukale, miki nde Maro Kindeni ne tamâta, aku miki kapolenzi ngua-tulânŋa tamâta laŋeŋa njinde marumbu lâ, nana tu Koroani Sapânŋa imo ilomi, aku i ne walo ipole Sadana ne walo, ina kala uru imo lâ tâno tamâta ilonzi. ⁵ Kinzi tamâta njinde nde tâno tamâta nâ. Mine kala nenzi ngua nde tâno ne ngua nâ, aku kinzi tâno tamâta uru sipono muli pa nenzi ngua njinde. ⁶ Anŋa kinda nde Maro Kindeni ne tamâta, aku tamâta ea isama Maro Kindeni kilala sondo, ande i uru ipono muli pa nenda ngua. Ambo tamâta tonje imo Maro Kindeni ne tamâta tia, ande i ma ipono muli pa nenda ngua, ande tia. Nana mâsi mine kâ, ande kinda takura tu tasama koroani mao kilala, aku kinda takura tu tasama koroani laŋeŋa kilala mine nâ.

Tamâta ea tini mwasa pa Maro Kindeni, ande i ma tini mwasa panzi i tini pinde mine nâ

⁷ Niŋgu-nambwe wukale, ara nana kinda taitu-taitu ma tininda mwasa nâ panzi tininda pinde, nana tu Maro Kindeni nde tini-mwasa warika.

Ambo tamâta tonje tini mwasa ndo panzi i tini pinde, ande tamâta ñinde imo itogo Maro Kindeni natu mine, aku isama Maro Kindeni kilala marumbu lâ. ⁸ Maro Kindeni nde tini-mwasa warika. Mine kala, ambo tamâta tonje ñandai tini mwasa panzi i tini pinde, ande i isama Maro Kindeni kilala nde tia. ⁹ Maro Kindeni isupwa i Natu taituni indue imâ tâno kulu ñana i ma via mao ilua kinda. Aku Maro Kindeni ne vetâña ñinde itula pwataki tu i ilo ndo keno pa kinda. ¹⁰ Maro Kindeni itula tini-mwasa ne vetâña pwataki mine; muñga, kinda ilonda ikeno pa Maro Kindeni, ande tia. Andeta nia ndoyo i ilo ndo keno pa kinda, kala isupwa Natu indue imâ tâno kulu ku imâte ñana izavaru nenda kiesaka piti lâ tininda.

¹¹ Niñgu-nambwe wukale, Maro Kindeni ne vetâña ñinde itula pwataki tu i ilo ndo keno pa kinda. Mine nde ara ñana kinda taitu-taitu ma tininda mwasa ndo panzi tininda pinde mine nâ. ¹² Tamâta tonje muñga imora Maro Kindeni, ande tia. Andeta miki kalonjo ñga; ambo kinda ilonda ndo keno panzi tininda pinde, ande ñinde itula pwataki tu Maro Kindeni imo kinda ilonda. Aku i ne tini-mwasa ñinde ma ipâñga ñalae ndo lâ nenda vetâña.

¹³ Maro Kindeni i tamwata ne Koroani Sapâña ilua kinda lâ. Mine kala kinda tasama tu kinda tapaipa kuku i lâ, aku i kala ipaipa ku kinda mine nâ. ¹⁴ Kinda Tamânda io Natu indue imâ ñana iyaute kinda tâno tamâta rârâni piti lâ kondoma ilo. Ñinde kinda tamora lâ, aku uru tatula ñgua pwataki ñana vetâña ñinde kê. ¹⁵ Tamâta ea ipatula ne kalo-tawana pwataki mine tu, “Yesu nde Maro

Kindeni Natu”, ande Maro Kindeni ipaipa kuku tamâta ñinde, aku i kala ipaipa kuku Maro Kindeni mine nâ. ¹⁶ Mine nde kinda tasama ku kalonda tawana mine tu Maro Kindeni ilo ndo keno pa kinda.

Maro Kindeni nde tini-mwasa warika, aku tamâta ea uru tini mwasa ndo panzi i tini pinde, ande ipaipa kuku Maro Kindeni, aku Maro Kindeni kala ipaipa kuku i. ¹⁷ Ambo kinda ma tamo mine, ande mâsi ñana tini-mwasa kâ ma ipânga ñalae ndo lâ nenda vetâña. Aku kinda ma taruru ñana zo muli ñinde Maro Kindeni ma ipare nia panzi tamâta kâ, ande ma tia. Kinda ma taruru tia, ñana tu lâ zo ñana kinda tamo tâno ñine kulu, ande kinda tamo togo Yesu Kirisi tamwata imo mine. ¹⁸ Mine nde kinda ma taruru tia. Ambo tamâta tonje tini mwasa panzi i tini pinde, ande i ma iruru tia. Ambo tini-mwasa ne mâsi ma ipânga ñalae ndo lâ tamâta tonje ne vetâña, ande mâsi ñinde ma isoki mâsi ñana ilo-ruruña kâ piti. Mâsi ñana ilo-ruruña kâ ñinde nde duvi mine; ambo tamâta tonje isama tu i ma muli ikai kulu ñana ne vetâña sakamao kâ, ande i ma iruru. Ambo tamâta tonje iruru, ande kinda tasama tu tini-mwasa ne mâsi ñandai ikeno kaika lâ i ne vetâña ñga.

¹⁹ Nanayoni, Maro Kindeni ne tini-mwasa nde ikeno pa kinda lâ. Mine kala kinda uru taponu muli pa mâsi ñana tini-mwasa kâ. ²⁰ Ambo tamâta tonje ma iporo tu, “Naña ilonju ndo keno pa Maro Kindeni”, andeta i uru wisi nâna papa ninambwe kalo-tawana tamâta tonje, ande tamâta ñinde i nde lanjeña tamwata. Kinda tamo kunzi ninda-nambwe kalo-tawana tamâta, aku uru tapamorai.

Andeta tamâta tonje muŋga imora Maro Kindeni, ande tia. Mine kala ambo tamâta tonje ŋandai tini mwasa pa i ninambwe kalo-tawana tamâta tonje, ande i ma ikura tu tini mwasa pa Maro Kindeni, ande tia. ²¹ Muŋga Yesu Kirisi itula tukuŋa ŋine pa kinda; ambo tamâta tonje ilo ndo keno pa Maro Kindeni, ande i ma ilo ndo keno panzi ninambwe kalo-tawana tamâta mine nâ.

5

Kinzi kalo-tawana tamâta sipole tâno ne walo marumbu lâ

¹ Tamâta ea kalonzi tawana tu Yesu nde Maro Kindeni ne Pateâŋa Tamâta Kirisi, ande kinzi ŋinde rârâni simo Maro Kindeni natu wukale. Ambo tamâta tonje ilo ndo keno pa tamâta tonje, ande i ma ilo ndo keno panzi tamâta ŋinde natu wukale tona. ² Ambo kinda ma tao ilonda ndo ilâ pa Maro Kindeni ku taponu muli pa i ne tukuŋa, ande mâsi ŋinde ma itula pwataki tu ilonda ndo keno panzi Maro Kindeni natu wukale tona. ³ Ambo kinda tao ilonda ndo ilâ pa Maro Kindeni, ande kinda ma taponu muli pa i ne tukuŋa rârâni. Aku i ne tukuŋa ŋinde uru iveta malia pa kinda, ande tia. ⁴ Tamâta ea kinzi simo Maro Kindeni natu wukale, ande kinzi ŋinde sikura tu sipole tâno ŋine ne walo. Kinda nenda kalo-tawana isuka kinda ŋana tamandi kaika tapole kazâŋa ku tatawa tâno ŋine ne walo ndue.

Maro Kindeni itula i Natu kilala pwataki

⁵ Ea ikura tu ipole tâno ŋine ne walo ku itawa walo ŋinde ndue, a? Tamâta ea kalonzi tawana tu Yesu nde Maro Kindeni Natu, kinzi tamâta ŋinde

simbonzi nâ sikura tu sipole tâno ñine ne walo. ⁶ Yesu Kirisi indue imâ lâ, aku vetâña rua situla i kilala pwataki. I ne lââ-liliña itula i kilala pwataki, aku i see ñinde ipaliñi lâ kâi popole tini, ande ñinde kala itula i kilala pwataki tona. Lââ simbo nâ itula i kilala pwataki, ande tia. I see ñinde itula i kilala pwataki tona. Koroani Sapâña nde ñgua mao warika, aku ñana duvi ñinde kâ i uru itula ñgua mine ñana Yesu Kirisi kâ. ⁷⁻⁸ Koroani Sapâña, aña lââ, aña see, kinzi ñato ñinde silâ taitu sipasuka ku situla ñgua pwataki ñana Yesu Kirisi kilala kâ. Aku kinzi ñato siporo ñgua kaña taitu nâ.

⁹ Kinda uru kalonda tawana tamâta kawanzi ñgua. Andeta Maro Kindeni itula ñgua ñana i Natu kâ, aku i ne ñgua ñinde nde kelekele ñalae tina, ipole tamâta nenzi ñgua ndo, ñana tu ñinde nde Maro Kindeni tamwata kawa ñgua. ¹⁰ Tamâta ea kalo tawana Maro Kindeni Natu, ande ipakâe kuku Maro Kindeni kawa ñgua ñinde marumbu lâ. Ambo tamâta tonje tini pwâka tu kalo tawana Maro Kindeni kawa ñgua ñinde, ande ñinde itogo iporo tu Maro Kindeni nde lanjeña tamwata, ñana tu i ñandai kalo tawana ñgua ñinde Maro Kindeni itula ñana i Natu kâ. ¹¹ Maro Kindeni itula ñgua mine; i via mao ilua kinda lâ, ñana ma tamo viânda ku tamo nâ, aku via mao ñinde nde ikeno papa i Natu. ¹² Tamâta ea ipaipa ndo kuku Maro Kindeni Natu, ande tamâta ñinde ikai via mao ñinde marumbu lâ. Aña tamâta ea ñandai ipaipa kuku Maro Kindeni Natu, ande tamâta ñinde ikai via mao ñinde, ande tia.

Kinda tasama ñine; kinda ma tamo viânda ku

tamo nâ

¹³ Naŋa aŋgere ŋgua ŋine imâ pa miki tamâta ŋinde uru kalomi tawana Maro Kindeni Natu, ŋana miki ma kakura tu kasama sondu tu miki kakai via mao ŋinde marumbu lâ, kala ma kamo viami ku kamo nâ. ¹⁴ Lâ zo ndia kinda tano pa Maro Kindeni tu ma iveta vetâŋa tonŋe, ande kinda ma taruru ŋana tamandi i nao, ande tia. Ŋinde nde duvi mine; ambo kinda tano pa i tu ma iveta pa kinda ikura i tamwata nâ ne pateâŋa mine, ande i ma ipaloŋo pa nenda noŋa. ¹⁵ Kinda tasama tu i ipaloŋo pa nenda noŋa. Mine kala tasama tu i iveta pa kinda ikura nenda noŋa rârâni mine.

¹⁶ Kiesaka tonŋe ikura tu isae via ne nzâla ŋananzi tamâta kâ, andeta kiesaka pinde sikura tu siveta mine tia. * Ambo tamâta tonŋe imora ninambwe kalo-tawana tamâta tonŋe iveta kiesaka, andeta kiesaka ŋinde ŋandai ŋana isae via ne nzâla ŋga, ande ara ŋana tamâta ŋinde ma ikai noŋa pa Maro Kindeni ŋana ninambwe ŋinde kâ, ŋana i ma ikai via mao. Naŋa ŋandai aporo tu miki ma kakai noŋa mine ŋana tamâta tonŋe iveta kiesaka ŋinde ikura tu isae via ne nzâla kâ. ¹⁷ Vetâŋa sakamao kiekie rârâni nde kiesaka nâ, andeta kiesaka pinde sikura tu sisae via ne nzâla ŋananzi tamâta kâ, ande tia.

¹⁸ Kinda tasama tu tamâta ea simo Maro Kindeni natu wukale, kinzi ŋinde sipu mulinzi pa kiesaka ne vetâŋa. Maro Kindeni Natu, i tamwata uru ikea sondu ndo ŋananzi kalo-tawana tamâta ŋinde. Mine kala Sadana ikura tu iveta vetâŋa sakamao

* **5:16:** Ambo tamâta tonŋe ipu muli pa Yesu Kirisi, ande kiesaka ŋinde isae via ne nzâla ŋana i kâ.

tonje panzi, ande tia. ¹⁹ Kinda tasama tu kinda tamo Maro Kindeni natu wukale. Andeta Sadana uru ikai poe kaika panzi tâno tamâta rârâni. ²⁰ Aku mine nâ, kinda tasama tu Maro Kindeni Natu nde imâ ipângga lâ, aku itula ilo-kalo ara nâ pa kinda marumbu lâ. Mine kala kinda takura tu tasama Maro Kindeni kilala sondo, inani kala vetâña mao warika. Maro Kindeni nde vetâña mao warika, aku kinda tapaipa kuku i ñga i Natu Yesu Kirisi rua. I nde Maro mao kanaño, aku i nde via mao warika.

²¹ Naña natungu wukale, miki ma kapakatona sondo, aku tinimi piti ndo ñananzi maro lanjeña kê.

MARO KINDENI KAWA NGUA
The New Testament and Psalms in the Sio Language of
Papua New Guinea
Nupela Testamen long tokples Sio long Niugini

copyright © 1995 Wycliffe Bible Translators, Inc.

Language: Sio

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2013-02-08

PDF generated using Haiola and XeLaTeX on 11 Nov 2022 from source files dated 9 Oct 2020

21a9f7d3-4b3e-512c-ab21-eb25ed7aef4f